


3FA

6

# ABOSONDZIN NA BRAGOR



# KUSUM NTɔYEE NA KUSUM AMAMBU

## Kusum Ntɔyee

### NYIENYIM

Ɖem ɔfa yi kasa fa abosondzin a ɔwɔ Ghana kasahorow no mu ber a yedze adwen ritsim Mfantse kasa mu abosondzin na ne farbae do. Hom bohu siantsir a yeto abosondzin na ne mfaso. Iyi ma yetse abadzinto ase na yedze obu ma Ghana abosom, kusum na amambra. Ɖfa kor yi ara so ma yehu amandze a yeyee ma obi a oedu ne mpanyinye mu (bragor). Dza yebɔhwe wɔ iyi ho no bi nye dwuma a yedzi ana wɔagor obi bra, bragor no ankasa na bragor no ekyir dwumadzi. Yebɔhwe mfaso a ɔbranyi no, n'ebusuafo na kurow no nyina nya wɔ bragor mu so. Ɖwɔ de itum kyere nse na nsorsoree a ɔwɔ mbre wosi gor bra wɔ Ghana kasahorow no mu.

#### Adzesua no bɔkɔ ewiei no, nna osuanyi no;

- Tum pensapensa abosoondzin ne farbae mu.
- Tum pensapensa kwan a wɔfa do gor bra mu mu. (ansaana wɔbɔgor bra, bragor ankasa na bragor ekyir dwumadzi)
- Tum dze kwan a wɔfa do gor bra wɔ Mfantse amambra mu (ansaana wɔbɔgor bra, bragor ankasa na bragor ekyir dwumadzi) toto afofor dze ho.

#### Adwentsitsir

- Abosom bi hɔn edzin mu na yenya abosondzin.
- Abosondzin no nye abosom wɔ sunsum mu nkitsahodzi.
- Ɖma yehu hɔn a edzin no deda hɔn do no hɔn abakɔsem.
- Bragor ye ber a ɔkyere mpanyinye ma ne dem ntsi onyia no tum wo.
- Bragor ma ɔman no gye ɔbranyi no to mu.
- Mbaa na mbanyin nyinara wɔ amandze a wɔye ma hɔn.

# ABOSONDZIN

Edzin bi wɔ hɔ a yenya ɔnam nkitsahodzi a yenye esunsum bi wɔ ntsi. Iyinom na yɛfrɛ no abosondzin. Ansaana yɛbɛkenkan biribiara afa abosondzin ho no, ɔwɔ de yehu abosom hɔn adzeban.

## Ebɛnadze nye abosom?

Yɛwɔ abosom mbaa na abosom mbanyin. Wɔyɛ sunsum mu etumfo a nyimpa bi som hɔn ɔnam gyedzi a wɔwɔ wɔ hɔn mu de wɔboa hɔn wɔ akwanhorow mu ntsi. Abosom wɔ susnsum mu tum soronko bi. Ɔyɛ a nyimpa dze gyedzi na ndzeyɛɛ ahorow takyer abosom ho. Abosom a wɔgyɛ enyim som hɔn no bi nye Zeus, Apollo, Athena, Aphrodite, Artemis na adze. Ghanaman mu ha , mantɔw anaa kasakuw biara wɔ abosom a wɔwɔ gyedzi wɔ hɔn mu. Dem abosom yi bi nye;

1. **Ga:** Dantu, Nae, Klote, La Kpa, etc.
2. **Akan:** Kune, Tegare, Nyamaa, Antoa, Penkye Otu, Pra, Amisa etc.
3. **Dagomba:** Tambo, etc.

Abosom bɛn na wɔagyɛ dzin papaapa wɔ beebi a etse no?

## Abosondzin

Yegyina nyimpa ne gyedzi na no som do na yeto abosondzin. Abosondzin yɛ edzin soronko bi a ɔdeda ebusua, nyimpakuw, ɔsom na amambra ahorow do osian hɔn nkitahodzi a wɔnye abosom no wɔ ntsi.

## Abosom bi hɔn edzin

Dza ɔka do yi yɛ Ghana abosom bi hɔn edzin.

1. Sɛ ekɔ Anwonaman mu wɔ Firaw mantɔw mu a, Anwonafo a wɔwɔ hɔ no som bosom bi a ne dzin dze “Afa” a wɔkɔ no hɔ ebisa. “Afa” no bosomfo “Bokɔ” n’abakan dze “Amuzu”.
2. Akanman mu no, abosom dodowara hɔn edzin no bata nda ho. Iyi ntsi, Akanfo gyina da a wɔdze wo nyimpa no do ma no ho abosondzin. Mfatoho nye bosom “Adwo” ne da yɛ Dwowda ntsi wɔwo basiaba Dwowda a, wɔfrɛ no Adwoa na sɛ ɔyɛ banyin so a, wɔfrɛ no Kodwo.

Bɔ mbɔdzen de ibosua mbre wosi bobɔ abosondzin a ɔwɔ sor hɔ no. Wo kyerekyerenyi bɔboa wo. Abosom bɛn na wɔagyɛ dzin papaapa wɔ beebi mbre etse no?

## Abosondzin ne farbae

Ɔsom biara mu na hɔn abosondzin ne farbae. Iyi taa gyina nyimpa no hɔn gyedzi na kusum amambu do. Sɛ ekɔ Anwonaman mu a, abosondzin ne farbae fi Yeye a ɔye enyinam bosom. Akanfo hɔn abosondzin fi nsubosom mu. Dangmefo so nya hɔn abosondzin fi hɔn bosom a ɔboa abawo. Ana inyim wo dzin ne farbae a?

## Siantsir a yeto abosondzin

Siantsir bi wɔ hɔ a ɔma wɔto abosondzin. Wɔto edzin no bi dze kyere bosom no dwumadzi. Bi so gyina abosom no hɔn ndamye anaa hɔn mudzi wɔ ebisa mu do. Edzin no bi so wɔ hɔ a ne farbae fi awerekyekyesem a wonya no abosom no nkyen mu. Bi so da kusum edzi na dza ogyina bosom no su do so.

Bio, sɛ awarfo bi rohwehwɛ ba a, wɔkɔ abosom bi hɔ kegye mboa. Awarfo no hye bɔ na wɔdze hɔn ba a wɔbɔwo no no to bosom no dze pon hɔn bɔhyɛ no.

## Abosondzin ne mfaso

Abosondzin som bo wɔ akwanhorow pii do ma asomfo no papaapa. Mfaso a ɔwo abosondzin ho bi na ɔka do yi.

1. Yɛdze hye nyimpa nsew dze hu bosom a obi som. Ɔma yehu fie anaa kurow a obi fi mu so.
2. Ɔkyere nkitsahodzi a ɔda onyia no na ɔbosom no ntamu.
3. Yɛdze abosondzin to nkyirma dze bɔ amambra ho ban.
4. Abosondzin ma yehu awofɔ bi hɔn gyedzi.
5. Beebi so, gyedzi nye dɛ hɔn a wokitsa abosondzin no wɔ tum anaa sunsum mu ahoɔzen.

### Dwumadzi 6.1

1. Fa woara wo nkasafua kyere bosom adzeban.
2. Enye wo nyenko nkyerɛw edzin du a abosondzin wɔ mu.
3. Hom mfa dɛm abosondzin a ɔwɔ (2) no nkyere esuafo nkaa a hom nye hɔn ka kasa kor na hom mfa hom dwumadzi no nto gua.
4. Ana ewɔ abosondzin ka wo dzin ho a? Sɛ ewɔ bi a, kyere ne farbae. Sɛ innyi bi so a, kyere abosondzin a ekyerɛwee no mu kor ne farbae.

### Dwumadzi 6.2

Fa nsem a ɔfata hyehye mbre akwan deda wo pon yi do no.

	Kasakuw	Abosondzin	Farbae	Siantsir
1	Mfantse			
2	Esuantse			
3	Anwona			
4	Nkran			
5				

### Dwumadzi 6.3

1. Kyere siansir kor a ɔma nkorɔfo hye abosom bo anaa wɔnye hon ko apam.
2. Kyere mfaso ebiasa a obi a abosondzin da no do no nya.

## BRAGOR

Beebi a yedu yi, yebɔhwe amandze a yeye ma obi a woedu ne mpanyinye mu (bragor). Iyi mu no, yebɔhwe dwuma a yedzi ana wɔagor obi bra, bragor no ankasa na bragor no ekyir dwumadzi wo Ghana kasahorow no mu.

### Ndwendwenho nsembisa

Ana ekaa nsesa ebiasa bi a ihun wo wo nyimpadua ho ber a idzii mfe du dze kesi duanan (mfe 10 kesi 14) no?

#### Bragor

Iyi ye abrabo mu gyinabew bi a banyimba anaa basiaba du ne mpanyinye mu a ɔkyere de oedu ber a se ɔye basia a, obotum awo ba anaa banyin so a, obotum enyinsen obi. ɔtaa si ber a basiaba no enya mfe 10-14 na mfe 12-16 wo mbanyimba mu. Dem mfe yi, ɔɔfabi a, ɔsesa. Iyi dze nsesa bi ba nyimpa no ne nyimpadua mu.

## Nsesa a ɔba basiaba no ne nyimpadua mu

- N’enumfo ye akese
- N’ayeradze na n’ambɔtoadze nhwi hye ase fuw.
- Ohye ase ye bra.
- No bɔbew sesa.
- Ne sisiw ye akese

## Nsesa a ɔba banyimba no ne nyimpadua mu

- Ne banyin no ye kese.
- N’ayeradze na n’ambɔtoadze nhwi hye ase fuw.
- No mpɔw ye akese.
- Ne menmu piw.
- Ofuw abɔdwesa.
- No mu twe ma ɔye tsentsen.
- N’abɔdwe na n’afon ho nhwi hye ase fuw.

Dem nsesa yi kyere de nyimpa no edu ne mpanyinye mu.

## Mbre wosi gor bra

Se wɔye amandze to abofra dzin wie a, amandze a odzi ho nye bragor. Ɔye amandze a wɔye ma mbasiaba na mbanyimba dze ma hon do ko hon mpanyinye mu dze kyere de woefi gwinabew kor mu ko fofor mu.

Pon a ɔwo ase ha yi kyere mbre Ghana kasakuw ahorow fre bragor.

### Pon 6.1

Kasakuw	Mbre wɔfre mbasiamba hon bragor	Mbre wɔfre mbanyimba hon bragor
Ewe	Gbɔtowɔwɔ/Tugbewɔwɔ	Tudedeasi
Krobo	Dipo	
Fante	Bragor	
Twi	Bragoro	
Akpafu	Iseyi	
Ga	Otofo/ Otseɲtse	Plamatsemɔ/Butrumwɔɔ/Denɲtuwoo
Sissala	-	Baala
Vagla		Pellaa

Wɔfrɛ bragor dɛn wɔ wo kasaa mu? Wo nkorɔfo gor mbasiaba na mbanyimba nyina bra a? eɛnɛdɛzɛ nyɛ esubɔ?

## Esubɔ

Esubɔ yɛ nsɛnkyɛrɛdɛzɛ anaa amandzɛ ahorow a wɔyɛ dɛzɛ ma obi do fi gyinabew kor mu kɔ fofor mu. Yetum bɔ obi esu wɔ edwumasua mu, sumadzɛ ekuwekuw mu anaa ɔsom bi mu. Mbom esubɔ a yɛrɛka ho asɛm yi yɛ bragor a ɔdɛzɛ nyimpa kɔ mpanyinyɛ mu.

## Ndzeyɛɛ a ɔwɔ bragor mu

Kusum na amandzɛ a ɔnnyɛ pɛr wɔ kasakuw ahorow no mu no ntsi, bragor mu ndzeyɛɛ no so nnyɛ pɛr. Ahoboa a wɔyɛ ana wɔaagor bra, bragor no ankasa na bragor ekyir dwumadzi bi na ɔka do yi.

## Bragor Ntotoho: Nsɛdzi

### Mbasiaba hɔn bragor

#### 1. *Dza wodzi kan yɛ ana wɔaagor bra*

Sɛ awofo hu nsesa bi wɔ hɔn mba mbasiaba ho a, wɔhyɛ ase yɛ ahoboa. Mɛn pii no, sɛ basiaba bi yɛ n'asɔpɔn bra (brakan) a, wɔyɛ dza ɔkɛka do yi.

- Wɔtsew mbasiaba no fi afofor ho na wɔhyɛ ase ma hɔn bragor ho nkyɛrɛkyɛrɛ.
- Ɔwɔ dɛ nsesa bi da edzi wɔ nyimpa no ne nyimpadua mu.
- Mbaampanyin a wɔwɔ bragor ho nyimdɛɛ no frɛ basiaba no nye no kasa fa nsesa a aba ne nyimpadua mu ho ma ohu dɛ nsesa no ka abrabo ho. Wɔsan ma no abrabo mu nkyɛrɛkyɛrɛ bi a ɔfa awar ho.
- Wɔkyɛrɛ mbasiaba no fie ndzɛmbayɛ pii tse dɛ apra, mpa ne nsiesiei, edzibanyɛ, ndzɛmbahor na ahonyidzi mapa.
- Wɔsan kyɛrɛ mbasiaba no nsaanodwuma bi tse dɛ ahondzewen, kentewen, tanwen, kentsɛnwen na adzɛ.
- Hɔn kusum adwontow na asaw so, wɔkyɛrɛ hɔn.
- Awofɔ no bɔ ɔbaahembaa na mpanyimfo biara a ɔfata amandzɛɛ ma o ɔbaahembaa no yɛ nhwehwɛmu.
- Wɔkyɛrɛ mbasiaba no mpa mu agodzi. Mɛkyɛrɛ, mbrɛ wobesi asɔ hɔn kunnom a wɔbɔwar hɔn no hɔn enyi wɔ mpa mu.


## 2. *Bragor no mu dwumadzi ankasa*

Bra no ngoree no ankasa du a, bosomfo anaa mbaampanyin no dze nsa yi mpaa dze branyi no na dwumadzi no nyinara hye nananom abosomfo no nsa. Mpaayi no ekyir no, wɔdze hɔn fa sunsum mu dwumadzi mu tse de mbre ɔwɔ ase ha yi.

- Wɔye amandze dze hwe de ɔye ampa de ɔye babun a. Mbre wosi ye iyi nye de wɔma ɔtsena bobaa tuntum bi do, woguar hɔn wɔ pomu, esutsen mu anaa kwaa mu.
- Wosusuaw ɔbranyi no ne tsinhwi, woyi n'ayeradze nhwi na wobubu n'awerew so.
- Wɔdze ɔtɔ na kyirefuwa a wɔanoa ma no ma odzi (ɔmokokoko).
- Wɔdze no tsena asesequa do. Wowie sunsum mu dwumadzi yi nyinara ye konyimdzi mu a, wɔdze kente, ahondze na egudzi siesie no ho gɔsɔɔ.

*Afei wɔbɔ gua dze ye amandze ahorow.*


*Guabɔ no ase na wɔdze afadze a no bo ye dzen hyehye no gɔsɔɔ no. Wɔda no mpokuwa edzi ama mbanyin a wɔaso awar no aahwe etu awar ho anamɔn.*



**Pon 6.1:** *Krobofo mbasiaba a wɔreye sunsum mu amandze ahwe hɔn mbabunye wɔ “Dipo” mu*



Mbasiaba bi a wɔagor hɔn bra ewie na hɔn mfonyin wɔ ase ha yi.



*Pon 6.2: Mbasiaba a wɔdze ahondze ahyehye hɔn gɔwɔ wɔ bragor mu*

## Bragor ekyir dwumadzi

- Bragor no ekyir no, ebusuafo na adɔfo nye branyi no kekyiakya ebusuafo, anyenkofo na amamfo da hɔn ase.
- Amamfo no dze akyɛdze ahorow bi tse de sika, atam, duukuu na ne nkekaho dze ma branyi no ma no tsinkwa de oetum afa bragor no mu wɔ konyimdzi mu.



*Pon 6.3: Mbasiaba a woefura hɔn kente wɔ ber a wɔagor hɔn bra ewie*

## Bragor Ntotoho

### Nsorsoree

Yɛdze nsɛdzi a ɔwɔ bragor ho wɔ kasakuw ahorow no mu no to nkyen a, yɛwɔ nsorsoree bi a ɔma kasakuw biara nedze da nsew. Bi na ɔwɔ ase ha yi.

### Anwonafɔ

1. Mbeambea bi wɔ awonaman mu a bragor no dzi dapɛn kor kesi bosoom kor.
2. Woyi branyi no kɔ mfikyir na wɔma anyɛnkofo tsena ne nkyen gye n'enyi ma no ho annyɛ no kɔnn.
3. Amandze ne ye mu no, kyirefuwa noae a ɔmokokoko no kyere de ne mbadwoa bɔdɔr.

### Krobɔfo

1. Krobɔfo gor hɔn mbasiaba Dipo ber a wɔdze ato gua wɔ Nana Kloweki a ɔye asaasebosom no ne dzin mu ewiwe. Wɔye no guabɔ tsitsir biara ase na odzi dapɛn kesi adapɛn ebien.
2. Ansaana wɔbeyɛ amandze agor hɔn Dipo no, hɔn awofo dze hɔn kɛma hɔn bosom panyin no.
3. Dipo no gor mu ankasa no, bosomfo no yi mpaa na oyi ɔbranyi no ne tsir ase nhwi no ma ɔka kumaa bi wɔ n'apampamu. Afei, wɔdze no gyina abowa nwoma do.

### Nkranfo

1. Nkranfo gor mbasiaba Otofo ber a wosusuaree.

### Akanfo

1. Akanfo taa hyɛ bragor ase Dwowda anaa Benada ma odzi ndaawɔtwe.
2. ɔbaahembaa dzi kan hwehwe basiaba no ho gye to mu de ɔye babun, oebu ne nsa ampa na onnyinseni so.

Kwan ben na wɔfa do gor bra wɔ wo kurom?

## Mbanyimba hɔn bragor

Ghanafo dodowara nntaa nngor mbanyimba bra. Kasakuw bi a wɔgor mbanyimba bra na ɔka do yi. Awonafɔ gor “Tudedeeasi”, Sissalafo gor “Baala”, Nkranfo gor “Plamatsemɔ/Butrumwɔɔ/Dɛntuwoo”. Wɔnngor mbanyimba bra de mbasiaba

dze no. Anwonafo mu no, itur a wɔdze ma banyimba no de ɔmfa mbɔ n'ebusuafo ho ban na ɔmfa nye ha nhwe fie no wɔfre no 'Tudedeasi'

Kwan a wɔfa do gor mbanyimba bra no bi na odzidzi do yi.

1. Wɔtsew hɔn fi hɔn anyenkofo ho.
2. Wɔma no nkyerekyerɛ fa n'asɛdze de ɔye banyin ho na mpamu agodzi ho so.
3. Wɔdze no kyere de ɔaye panyin.
4. Wɔkyere sunsum mu na honam enyi ahosiesie.
5. Wɔkyere hɔn kusum na amandze ne ye.

Mbre wosi ye iyi wɔ kasakuw biara mu no sesa. Iyi gyina gyedzi na amandze do.

## Bragor ho mfaso

- i. ɔkyere de afei dze, onyia no edu ne mpanyinye mu.
- ii. ɔma ɔbranyi no nya abrabɔ mu nyimdzee a ɔbɔboa no ma oetum egyina gyinabew fofor a oedu mu no mu.
- iii. ɔkyere de onyia no aso awar.
- iv. ɔhye afofor nkuran ma wɔbɔ ɔbra pa a ɔbema wɔaagor hɔn so bra.
- v. ɔye enyimnyamhye ma awofɔ na ebusuafo no so.
- vi. ɔma ɔbranyi no nya foto dze hye abrabɔ ase.
- vii. ɔma abrabɔ mu nyimdzee.

### Dwumadzi 6.4

Kyerɛw dzin a wo kuromfo dze fre bragor. Enye w'anyenkofo ndzi ho nkɔmbɔ.

### Dwumadzi 6.5

1. a. Kuw biara nhwe mfonyin no na wondzi afadze no ho nkɔmbɔ. Ndzemba ben na ɔwɔ afadze no mu a w'enyiwa gye ho papaapa?



- b. Kyere afadze ahorow no mu kor ne mfaso.

2. Wo kyerekyerenyi beyi bragor ho sen ma hom aahwe. Mekyere, Akanfo bragor <https://www.youtube.com/watch?v=zpTdowLmxN8>.
  - a. Dwuma ben na wodzi kan dzi ana waaagor obi bra?
  - b. Hwe sen no yie na fa w'adwen ko dwuma a wodzi ana waaagor obi bra, dza woye no dwumadzi no mu ankasa na bragor no ekyir dwumadzi do.
  - c. Kyere dwumadzi ebien, ebien a wodzi
    - i. ansaana waaagor bra
    - ii. wo bragor no mu ankasa
3. Enye afofor ndzi dza ihu no sen no mu ho nkombɔ. Ma w'adwen nko nsedzi na nsorsoree no do.
  - a. Hwe dem mfonyin yi.



- b. Gyina dza esua no do na kyere dza ɔroko do wo mfonyin yi mu.

#### Dwumadzi 6.4

Kyere nsedzi na nsorsoree ebien ebien a ɔwo kasakuw ahorow no hon bragor mu. Enye wo nyenko ndzi ho nkombɔ.

#### Dwumadzi 6.5

Kyere bragor mu ndzeyee ebien bi a ebeye de wosea anaa ebehye mu nkuran na kyere ne siantsir. Fa wo mbuae to gua.

# MBOBODO NSEMBISA

## Abosondzin no mbobodo ho nsembisa

1. Kyerew abosondzin enum a nkorɔfo to de ebusuadzin wɔ w'ebusua mu anaa mbre etse no.
2. Kyerew wo kurom abosondzin enum na kyere hɔn farbae.
3. Kyerew ɔbosom kor bi a ɔye ɔbaa ne dzin na kyere edzin abiasa a ɔbata dem bosom no ne dzin ho.
4. Kyere siantsir kor a ɔma nkorɔfo to abosondzin.
5. Mfaso ebiasa ben na hɔn a wɔdze hɔn to abosom no nya wɔ abosondzin no mu?

## Bragor no mbobodo ho nsembisa

1. Kyere bragor ase.
2. Kyere mfaso enum a wo mamfoe nya wɔ bragor ho.
3. Bragor mu ndzeyee ben na ebeye de wɔsesa. Eɛnɛdze ntsi a?

## REFERENCES

1. Agyekum, K. (2006). The sociolinguistic of Akan personal names. *Nordic Journal of Akan studies*
2. 15(2) 206-235.
3. Nukuknya, G.K. (2007). *Tradition and change in Ghana: An introduction to sociology*. Ghana Universities Press.
4. Twumasi, K.D. & Adade, C. (2019). *Social studies in scope for JHS 1-3*. Kinddeh.

# ACKNOWLEDGEMENTS



Ghana Education Service (GES)

